

R K29 4519

docri ve 文川网
入驻商家
在文川网搜索古籍书城 获取更...
...书城
...子书

中國方志叢書·華中地方·第一三四號

據

清·候紹瀛修，丁顯纂
清光緒十二年刊本

影印

江蘇省

光緒睢寧縣志



成文出版社有限公司印行

9606/12



10096440

中國方志叢書·華中地方·第一三四號


據

清·候紹瀛修，丁顯纂
光緒十二年刊本

影印

江蘇省

光緒睢寧縣志



成文出版社有限公司印行

sk96/12



R
K
H8
131

中國方志叢書·華中地方·第一三四號


據

清·侯紹瀛修，丁顯纂
清光緒十二年刊本

影印

江蘇省

光緒睢寧縣志



成文出版社有限公司印行

sk96/12



10096442

docsriver 文川网
入驻商家 古籍书城

在文川网搜索古籍书城 获取更多电子书

中華民國六十三年六月臺一版

光緒睢寧縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

卷之六
歸德府志
卷之六

丙戌孟春開雕
丁亥仲春刊竣

光緒睢甯縣志稟序

睢甯一邑縱百餘里橫不過數十里西北
雄踞山嶺控制靈銅東南地勢平行襟帶
淮泗雖彈丸黑子亦巖邑也咸同以來大
河北徙寇亂迭乘地方凋敝亟矣官斯土
者因時損益將何所措手耶余於甲申暮

春來宰是邑索觀志書欲知其利弊之所
在思所以補救而徐爲因革之廊吏以志
版燬於火無書可呈嗣於紳耆家覓得舊
志四卷簡編殘缺記載亦多未詳蓋康熙
五十七年鄉先達劉公如晏宰唯甯時所
修距今一百有六十餘年矣乃進都人士

而言曰一邑之有志猶一國之有史舉凡山川都鄙人物土產疆域沿革風俗盛衰天心人事之感召陵谷滄桑之變換以及忠孝節義維持世教於不敝者非志何以示來茲且閱時久則湮沒必多湮沒多則文獻不足文獻不足則是邦之掌故蕩然

矣蒐羅編纂信今傳後豈維守土者之責
要亦二三父老之志也僉曰善於是設局
采訪商之於丁酉圃學博以總其事蓋學
博長於考據而又司鐸此地最久見聞多
而取舍審稽古博而鑒別精出其生平之
才之學之識勒爲成書當無遺議矣而學

博並不敢自信以爲此特采訪之宗以俟
鴻博君子審定而纂成焉是則學博之謙
也余謏陋未能逐加釐訂而都人士恐彙
本日久渙失先行釀金付梓謂之志彙後
有作者卽本此以爲筆削亦覺事半功倍
若夫繁蕪之譏余與學博俱不得辭其責

焉

光緒十二年歲次丙戌春正月知睢寧縣

事侯紹瀛序

光緒睢寧縣志彙

凡例

一我朝府廳州縣地志不下數千部而此分彼併此略彼詳此去彼留此增彼減言人人異各有師承此彙悉遵

欽定四庫全書總目提要而集其成
形勢山水殿宇則爲圖以狀其
略沿革職官選舉則爲表以識其變
山河兵農典禮則爲志以紀其要
人物官宦列女則爲傳以彰其善
四庫中宋元明地志佳本體例幾同
一轍繕經

廟覽悉愜

宸衷規撫舊章不敢歧異尊

王之義也明袁桷延祐四明志分十二考條例精明考核審密有
良史之風是篇記載雖詳考別未當不敢曰考並不能言志
聊擬於初創之橐爾

一此橐條目分十八門悉依四庫全書總目而去其複沓冗濫
封城宮室非圖不明首圖說邦城改易古今不同知各朝之
寰宇始可覘歷代之典章故次沿革紀事建立州縣先定經
界故次疆域名山大川一邑之形勢繫焉故次山川黃河四
瀆中極大者開壩隄堰關本邑安危故次河防城關橋渡均
徵官府經營故次建置壘之廢寺之頽考古者藉資考證故
次古蹟此均統於土地者也政事之亟務莫如建學明倫故

次學校藝文統於學校者也故次藝文有文事者必有武備
故次武略設官分職以爲民極邦國之政也故次職官職官
中之循良者特立傳記以爲矜式故次宦績九貢九賦以致
邦國之用亦政事中之大經故次田賦關門額俊政在勸能
奉實崇華樹茲民表故次選舉災禳兵革恆驗政治之純疵
故次祥異勳湖州唐志沿革中參述祥異
欽定四庫全書總目評其未能精當其統於政事
者俱不能外此由是以次大民人物忠義賢良品誼殊而同
爲民望登之以懲奸邪列女賢孝貞烈節誼分而均習女儀
載之以維風化俱人民中之翹然特異者也若夫土地不能
統轄政事不能兼攝而記載又非人民可以囊括則悉歸於

雜錄謹考四庫全書中明唐樞州府志分土地政事人民

三門宋常召仲激水志則分地理山水屏舍坊巷坊場軍寨

亭堂橋梁學校寺廟古蹟物產碑記詩詠而冠以輿圖庚對

山武功縣志則分地理山川城郭古蹟宅墓統此建置官署學校津梁市集統此祠祀

寺觀田賦戶口物產均此官師善惡並著人物選舉七篇而藝文則散附

各條韓汝慶朝邑縣志則分總志風俗物產田賦名宦人物

雜記此皆邦邑之良史卓卓可傳者是篇悉仿四志而略通

其變體例乖違尙望方家匡其疵謬

一修志必須洞悉古今沿革方能知歷代典制人物舊志沿革

一門多有歧訛致於歷朝掌故未能考核詳明此稟於各代

docsriver 文川网
入驻商家 古籍书城

在文川网搜索古籍书城 获取更多电子书

史書地理疆域悉心考究復旁稽鄭道元水經註元和郡縣志太平寰宇記暨春秋杜註胡氏禹貢錐指反覆研考實事求是謹就管蠡所窺測者敘錄尙望博雅匡其不逮

一地志疆域各書不同考四庫全書總目惟胡汝茂滁州志陳以禮邵武府志分天文爲一門嘉靖廣西通志乾道臨安志別星野爲一門此外他志全併天文星野於疆域之中蓋九州之域以星土而定者也此彙星野高度全屬疆域而兼附風俗物產眾志僉同不敢苟異也

一相承地志例載八景恭閱四庫全書總目張聖誥登封志註他志景必有八八景之詩必七律最爲惡習聖誥力破是例

差爲有識此稟敬遵筵除以祛俗套

一山川例有專門清熙三山志附山川於寺觀赤城會通記麗
山川於夏后氏紀四庫全書總目均議其不類睢邑峯巒層
疊敘山專立一門而接錄河湖溝澮間有考證或附詩歌遊
睢甯山記係仿鄒道元水經註脈絡相通亦遵四庫全書中
刻錄法也

一黃河列於四瀆或歸併山川識者議之謹按四庫全書總目
平涼府通志於山川之外別紀河渠其地黃水尙弱河不爲
患無所謂隄防也自河南而河始大勢不能不築隄防以禦
之睢邑之有河防數百載於茲矣此稟於河防一門本邑瀆

決之地固特錄以記其災卽豫皖兩省決口亦按年登載蓋
潰決雖在上游而下游全成澤國也今雖黃河遠徙巨患久
除然蒿目民艱者隨時檢閱知闔邑昏墊數百年未能安枕
一學校爲尊師之地自須特立專門近來志書或載入建置似
有未合恭讀四庫全書總目於陝西行都司志註謂學校禮
典統人建置之中例殊未允其論極精此彙列學校於政事
之首建置一門惟將城池倉署壇廟橋渡凡有關係者悉行
敘錄而附記集舖圩砦有碑記者以雙行載列其瑣碎經營
概從裁汰

一寺觀之建自前朝者例敘於古蹟四庫全書總目於萬曆朝

州府志辯之甚明此彙於古蹟一門荒城舊墓分別彙載其
祠宇之建自唐宋元明者亦行敘入碑記並擇要附錄考其
遺碣而名之緣起地之古初均可以稽惟壇廟入今典禮暨
新建者俱歸建置雖與武功登封兩志稍有歧異然古今
併規仿有由不敢特創也咸豐濟河魯志凡例云祭祀
家之大典文物典章通諸天下以
邑乘而臆列饗祀君子思焉故壇廟
不別立專門僅附於官府寺舍之末
一學校首列廟制其附於學校者均以次序列書院尤與學校
相關其資爲膏獎者田畝甚多日久恐難稽考此彙悉將各
捐戶姓名坐落某社及若干畝數逐條載入查閱卽明庶闕
學均能整頓

一歷代史書均特立藝文門卽各邑地志之可傳者藝文俱各
爲一類惟范致能吳郡志康對山武功志藝文散附各條以
除冗濫儒林咸稱爲佳本其有附藝文於學校者僉有微詞
卽如萬歷衡州府志四庫全書總目評曰附天文於地理用
漢書例可也附詞章於學校是何體例魯通甫邳州志因藝
文寥寥數種附於學校亦奚不可而邳之學者僉譏其簡略
奉台清河魯志亦分學校藝文爲兩門邳志緣藝文
采訪未多始附於學校然邳人已議其後矣此稟於
學校之次專立藝文一門鄉邑之典章竊比於國史之體例
敬守

純廟成訓不敢隕越尙望有道指其迷途

卷之五 凡例

一舊志藝文一門廟宇碑碣暨本籍外籍著作俱彙錄一處似
欠裁制而近今地志又沿仿史書體例藝文僅載書目謹按
四庫全書總目於嘉靖仁和縣志謂碑刻之文僅載其目使
後世無從考證失之太簡於甯波簡要志謂藝文僅存篇題
而文皆不錄未免太簡知僅載書目者亦乖體例查常召仲
澉水志碑記之外又有詩咏高續古刻錄爲書爲文爲詩均
以次敘列而四庫全書總目中評論一則謂其體例精嚴一
則謂其徵引賅洽則書目兼載詠歌亦非泛濫矣唯邑賢杰
詩歌官師題詠均資掌故本邑藝文別無選集一例刪裁日
久文獻無徵更難稽考此彙將碑碣傳記有專條者均分別

附載其藝文中祇將書名羅列註明某某著述以符史例仍仿四庫全書簡明目錄例每人以小傳敘明著書原委詩集並摘錄警句數聯以見一斑

一吳越之藝文多華采齊魯之藝文多樸實徐屬地近鄒魯不乏著作等身惟提倡無人湮沒而不彰者何可勝道又况晉宋以來疊罹兵燹宋明而降屢厄黃流縱有成書半付烽煙洪水可憫孰甚茲閱采訪各種著書類能自出心裁實事求是惟程限所迫遺編良多且所載之書又大半因貧未能付梓致使零珠片錦未能遍耀藝林亦吾心等故者所共惜也一著述詩文及宦績人物俱錄已故之人庶有裁制現今之人

概不登選以符史例其建置學校各門或有現存之人碑記
係因敘事而列政之原委藉此而詳非記其人也

一軍營制度省城郡城縣城各自不同地有督標鎮標者兵額
盈千營制森嚴謂之軍政其有兵不滿千夫者謂之營制或
稱兵防若夫兵僅百人不成行伍可號武略恭閱四庫全書
總目成化杭州府志謂之軍政而乾道臨安志則謂之軍營
純熙山川志則謂之兵防其大較也睢邑馬步兵僅百十四
人除分防外集守城者祇八十四人守陴則難資防禦出隊
則不能成軍故不曰軍政而曰武略邑小兵弱偏師蕞爾不
敢侈荼火之觀也

一職官宦績自副始彰然稽考史策歷朝守令亦有可傳此彙於歷代職官應列於前表則斷自明始宦績係職官中之卓卓者以次專門敘錄尊賢之義也查我

熱河志官斯土者遷除歲月以次臚載日職官錄其有功可紀者日宦績錄踵而分之不敢剗造也

一近來編邑乘者遵甯簡毋煩之例於職官宦績各人籍貫僅載縣名遂使州縣同名者不免歧訛卽如福建湖北廣東均有長樂縣湖南甘肅貴州均有安化縣祇載縣名不載省分勢不免南北混淆東西移易矣此彙於宦績兼載某省職官祇載縣名惟州縣同名者始加省分以便查考如檔案無稽

者仍僅載縣名

一貢賦徵額今昔不同報荒減則實有由來此案田賦以現行則例為準而墾湖明季在冊田畝歷年報荒緣由並邑紳呈請蠲豁奏疏均逐條載入其灘租鹽法釐捐保甲以次附記檢是冊者知

國家徵收有定額而休養生息疊沐

皇仁焉

一選舉二門文武並列封典廢襲壽民飲賓凡有檔案可稽者均分類敘列捐職虛銜俱附載於次其有出仕政績可傳者另入人物傳中


廟略

一漢晉隋唐史書均有五行志魏書有天象志卽地志之災異也謹查四庫全書總目吳興備志有祥擊又有戰守平涼府通志有祥異又有寇戎則災異兵燹獨立專門揆之

似不相遠此棄於水旱兵革分年紀月檢是冊者知天心之常變治忽攸關而我馬之紛乘瘡痍難復居安思危時時有戒心焉

一人物本以闡揚懿美其奸貪反覆概不登載然如陳伯之以武烈而登顯秩趙倫之以國戚而立軍功雖非純品亦屬此邦翹楚附入雜錄亦不以其功勳之義也

一錄用古事采擇貴精言微博引而不載原委卽有歧謬考核



殊難此彙悉註原書之書庶查閱者易於糾謬

一以志爲名本不同史體謹釋四庫全書總目論地志云傳記
輿圖各有本例以志爲名而用史體文雖擬義則乖矣職官
選舉擬表藝文僅載書日均史之體此彙因沿革一門歧訛
太多勢不能不襲用表例以清眉目職官選舉因之藝文稍
變其例而詳端委人物則統名傳而每人仍刪除列傳名目
一篇一詠亦或間登鄉邑之紀言本不同國家之載筆也
一地志固以簡明爲貴然宋志著名者甚多而朱竹垞曝書亭
集中咸淳臨安志跋謂地志幸存者若宋次道之志長安梁
叔子之志三山范致能之志吳郡羅端良之志新安陳壽

docsriver 文川网
入驻商家 古籍书城

在文川网搜索古籍书城 获取更多电子书

乏志赤城每患其太簡惟潛氏此志獨詳

謹按庫全書總目亦載

此明韓汝慶朝邑志僅二十頁宏綱細目包括靡遺儒林實
之而王學謨病其太略致撰續朝邑志而欲以詳贍勝以知
志書各家尚簡者半尚繁者亦半也

國家風會日開文字日多龔定盦之言曰今字多於古字今事
蹟於古事是故今史繁於古史自結繩以迄周平姓氏幾何
左邱明聚百四十國之書爲春秋其事如蟻周末文勝萬事
皆關於古聖門之徒無譏其繁者因復徽州府志局而不忍
言簡如此竊謂繁簡之道時會爲之故讀漢晉之書僅百數
十冊而新舊唐書則各二百餘冊宋史明史則冊更倍於唐

今史不能尙簡猶之古史不能務多也雖邑劉志修於康熙五十七年迄今一百六十八載其中潛德幽光遺文軼事卽使專精采訪亦復掛漏良多若再拘從簡之說勢必至逐條刪裁何以爲將來徵考嘗聞議澉水常志者嘉其敘入簡核而患其不能資援據此亦因庫全書總目品評也論邳州魯志者快其議論嚴明而惜其不免遺典要此彙各門博采宏搜卽碑記之稍資考證者必逐條備載非敢驚廣而荒何太史子貞嘗謂修通都大邑之志不妨從簡修偏隅僻壤之史必須從詳且統志視省志省志視郡志郡志視縣志縣志主簡則將來不足供采擇矣太史負一時物望其言豈欺我哉